

Коми Республикаса том войтырлөн газет



ЙОЛДА

2014
Вӧльгым
14-ӧд
лун

45№
(1170)



Ми ӧтлабын!

4-5 л.б.

**Тайо
НОМЕРЫН**

Октябрь 31 лунсянь ноябрь 4 лунөдз юркарын мунис челядлөн да том йөзлөн общественной отмуномьяслон «Ми отлаын» регионьяскостса фестиваль. Форум выло воисны республикаса кар-районысь 24 котыр, а тшотш и Перым крайысь да Москва обласьтысь госьтыяс.

4.5
л.б.

Йөзос уджон могомодан Куломдин районса шорин 14-18 арөса томуровлы котыртлис экскурсия. Найо ветлисны Куломдинса нянь пожалан заводо да би кусодчысыяс дорө. Могыс - тодмодны сэтчос зильысыяслон уджон.

6
л.б.

Интаса 10-өд номера школасы «ШАГ» общественной котыр йылысь пасылым нин «Йологаса» лист бокьясын. Казгыштам, мый быд класс сәни - торъя «кар», а велодчысыяссө шуоны «горожанон». Школаас котырыс нудө зев уна удж-акция.

7.10.11
л.б.

Лунтырөн ена мудзан? Луннысь-лун велодчомысь да удж вылын зильомысь бырө эбосыд? Вөлөмкө, медым быд лун вөли кыпыд руа - колө бура да урчитан кад мында узьны. А мый вөзийоны та серти специальтыяс?

14
л.б.



Коді медбура йөктас?

Ноябрь 22 лунө Сыктывкарын мунас асыввывса йөктөм серти ордыясыом. Конкурсө зев уна пырөдчысь понда гажыс заводитчас водз асывсыяныс культура да искусство совмодан керкаын.

-Виччысям, мый лоө 120 ныв-зон да 60 верстыө. Найо локтасны Ухтаысь, Воркутаысь, Коряжмаысь, Котласысь, Сосногорскысь, Кировысь да Сыктывкарысь. Жюриын уджаласны Bellydance йөктан нырвизь велодысыяс да нималана йөктысыяс: Нижний Новгородысь Марина Шишкова, Санкт-Петербургысь Олеся Писаренко да Сыктывкарысь Татьяна Ротарь, - висьталіс гажсө котыртысь Юлия Стороженко-Пестрикова.

Ставнысө донъяласны котырон йөктөмысь и торйон. Помасяс ордыясыөмыс гала-концертон, кытөн петкодчасны медбурьясыс.

«Коминформ» серти



**Өтувъя уджыд выль
вермөмөдз вайөдас**

2015 вося январь толысьө Сыктывкарса Савин нима улич вылын регыд воссяс единоборствояслон спорткомплекс. Рытыв-войвыв кытшын сийө лоө медыджыд инон, көні позяс өнмөдны дзоньвидзалунтө индом спорт сикасын.

Спорткомплекслөн ыдждаыс 11,5 сюрс сайө квадрата метр, сәни 11 жыр. Эм нөшта вермытом йөзлы торъя жыр. Медым вермытом йөзлы ставыс воис сьолөм вылас, найөс асьнысө корлісны бырөдны став тырмытомторсө. Омөля аддзысь спортсменьяслы джодж веркөссө вөчөма торъя материалысь.

Стройбалысь ыдждасө урчитөма 333 морт торөдом могысь. Öнiя кадө вөчөны медбөръя уджсө.

- Чукөртны өти вевт улын единоборствоын зильысь спортсменьясөс - зев буртор. Тайо сомын йитас найөс да ышөдас выль вермөмө. И медшөрыс сийө, мый республикаса юркарын лои бур спортивной объект вермытом йөзлы. Чайта, тайо спорткомплексис чужтас выль нималана спортсменьясөс, - тодчөдіс Вячеслав Гайзер.

«БНКоми» серти



Петкөдласны юркарлысь чужомсö

«Югөр» культураын водзмöтчсыяслөн шöринын ноябрь 30 лунöдз уджалö «Диалоги. Синтез искусств» выставка.

Проектö пырöдчысь войтыр водзын сулалö мог: петкөдлыны, кыдзи найö аддзöны талунгя Сыктывкар, вöчны юркарлысь портрет.

Öтувгя уджысь чужöма дас сайö арт-объект: тайö графика, живопись, фотография, инсталляция, керамика, пуысь да металлысь скульптура.

Тайö аслыспöлöс экспозициясö ас синмөн позё аддзывны да донгявны быд лун 11 чассянь 6 час рытöдз, сöмын четвергö - 11 чассянь 8 рытöдз. Адрес: Сыктывкар, Горький улича, 2 керка.

Миян корр.



Наукаяслөн слэм

Ноябрь 16 лунö юркарса «Октябрь» кино петкөдлан да прöст кад колялан шöринын мунас наукаяслөн мөд слэм.

Вит том ученöй кокниа да гөгөрвоөдöмөн висьталасны асланыс удж йылысь, быдöнлөн лоö сöмын 10 минут. А залын пукалысьяс бөрьясны медся бур доклад. Öнйя слэмö пырöдчысьясон лоины филолог, вөр серти специалист, лингвист, геолог да программист. Кöсьян кö тöдмавны уна выльтор да öттшöтш гажöдчыны - быть колö волыны наукаяслөн слэм вылö.



Снимокгясыс öтуввезйысь.

Министерство культуры Российской Федерации
Министерство культуры Республики Коми
ГАУ РК «Центр народного творчества и повышения квалификации»
ГАУ РК «Театр оперы и балета»

2014
ГОДА КУЛЬТУРЫ

0+

Всероссийский фестиваль
народного творчества

«ЕДЖЫД КЕПЫСЬ»
(«Белые рукавички»)

в рамках Цикла мероприятий
«Тöвся гажöдчöмгяс» («Зимние забавы»)
Государственный Театр оперы и балета Республики Коми
(ул. Коммунистическая, 32)

12 декабря
10.00-17.00 Выставка изделий
декоративно-прикладного искусства
(вход свободный)

13 декабря
10.00-19.00 Новогодняя ярмарка-продажа
изделий декоративно-прикладного искусства
(вход свободный)

11.00-13.00 «Зимние забавы»
Народные гуляния
(Театральная площадь)

17.00 Праздничный концерт с участием ансамбля
«Северная околица» (г. Сыктывкар)
и ансамбля «Хальновские боляре» (г. Киров)
(вход по билетам)

Телефоны для справок: 24-67-17; 20-08-19; 24-53-58



ВОДЗМӨСТЧӨМ

Октябрь 31 лунсянь ноябрь 4 лунöдз юркарын мунис челядълөн да том йöзлөн общественной öтмунöмъяслөн «Ми öтлаын» регионъякостса фестиваль. Форум вылө воисны республикаса кар-районысь 24 котыр, а тшöтш и Перм крайысь да Москва обласьтысь гöсьтьяс.

Ми öтлаын!

Фестивальлөн программа вöли озыр быдсикас мероприятие вылө. Медводдза лун сиисны Айму вöсна Ыджыд тышын Вермöмсянь 70 волы. Заводитчис уджалан лун кыпид митингөн, көни чолöмалісны том войтырöс ветеранъяс. А нималана спортсмен Николай Васильевич Рочев сетіс том войтырлөн котыръяслы Победалөн Знамялысь копия, код дорын сёрсьөн-бёрсьөн пост вылын сулалісны нывкаяс да зонкаяс.

А рытнас «Югөр» культураын

водзмöстчысьяслөн шöринын юргисны война кадся сьыланкывъяс. Концерт вылын ыджыд гöсьтөн вöли Вячеслав Иванович Немиров, войнаса сьыланкыв гижысьяс пöвстын уна конкурсын вермысь. Тайö рытыс ставныслысь вөрзвöдіс сьölöмсö, унаөн тшöтш сьылісны сцена вылын сулалысь ёртъяскöд, быд делегация петкöдіс асьыс енбия войтырсьö.

Тайö жö лунö мунис «Ветераны письма» акция. Воись-во чинö ветеранъяслөн лыд, унаөн оз нин

вермыны мунны май 9 лунö парад вылө, но форум вылын гижöм письмöяс воасны налы гортöдзныс, медым петкöдлыны, мый том йöз эз вунöдны да пыдди пуктöны налысь подвигсьö.

Мöд лунö «Югöрын» воссис «Детская организация в символикe» выставка. Бейдж, футболка, магнит, ручка, уна рöма галстук, буклет да небöг - тані петкöдісны ставсьö.

Ноябрь 2 лун коли «Кужан ачыд - велöд ёрттö!» девиз улын. Фестивальö пырöдчысь челядь



ставон отув моддочисны Эжваса 1 номера гимназия, медым мат-оджык тодмасыны ота-модныскод да нуодны мастер-классыяс. Тані вөлі коді мый выло мастер: и пызаныввса ворсөм, и комик серпасалом, и йоктан марафон да, дерт жө, ас кион вочомторьяс. Быдонлы сюри мыйон тыртны кад.

Ноябрь 3 лунө томулов уна сёрнитисны да вензисны. Луннас челядь донъялісны «Национальная стратегия действий в интересах детей на 2012-2017 годы» кабала, юксисны ота-модкөд общественной оломө пырөдчөм йылысь мөвгыясон, лөсьөдісны том войтыр отмуномгыялысь календар. Помасис тайө луныс ветерангыяскөд адзысьломон, кодьяс висыталісны делегациясыө пырөдчысыясы дасьтөм «наказ».

Фестиваль чөж ассыныс удж нуөдісны том журналистыяс, найө быд лун гижисны-снимайтисны, а кывкорталіс тайө уджсө фестиваль йылысь газет.

Быд рыт челядь чукөртчывлісны рыгтя «огонёк» выло да юксисны ота-модныскөд мөвгыясон да сьбломкыломгыясон. И, дерт, фестиваль бөрын ставныс найө лоины бур ёргьясөн.

Мария ИГУШЕВА.



Снимокьясыс отуввезйысь.



**Эм татшом
УДЖ**

Йӱзӱс уджӱн моґмӱдан Кулӱмдӱн районса шӱрин 14-18 арӱса томуловлы котыртлӱс экскурсия. Найӱ ветлӱсны Кулӱмдӱнса нянь пӱжалан заводӱ да би кусӱдысьяс дорӱ. Моґыс – тӱдмӱдны сэтчӱс зӱльысьяслӱн уджӱн.

Пӱжасисны да кусӱдӱсны би

7 номера часътысь би кусӱдысьяс петкӱдӱсны уджалан паськӱмсӱ, висъталӱсны уджыслысь аслыспӱлӱслунсӱ да колана норматив йылысь. Челядь вермисны весиг пасътавлыны пӱжарнӱйлысь костюмсӱ. Но верстӱ тӱдчӱдӱсны, мый кусӱдчысьӱн лоны окотитысьлы бытъ колӱ крепыд дзоньвидазлун.

Пӱжарнӱй Владимир Липин петкӱдӱс, кыдзи найӱ мӱдӱдчӱны пӱжар вылӱ, кыдзи чукӱртӱны колана эмбур. Зонътяслы сетӱсны позянлун здук кежлӱ лоны би кусӱдысьӱн: команда серти лӱччыны трубаӱд шойччан жырсянь залӱ, кысянь и мунӱ бригадаыс кусӱдны ӱзъянӱн.

Би кусӱдчысьяслӱн диспетчер А.Н.Мисюрлова тшӱтш висъталыштӱс аслас кывкутана удж йылысь да ӱлӱдӱс челядьӱс дурӱмӱн звӱнитчӱмысь. Диспетчерлӱн уджыс кывкутана: колӱ юӱртны кусӱдчысьяслы, звӱнитны полицияӱ, бурдӱдысьяслы. Смена дырйи уджалӱ сӱмын ӱти диспетчер. А район пасътя кӱ некымын корӱм?! Быд здук колана, та понда и оз позь посниуловлы звӱнитны дурӱм моґысь, ӱд став звӱноксӱ гижӱны да сетӱны полицияӱ.

Челядьлы петкӱдӱсны и пӱжарнӱй машина: мый эм быд отсекин, мыйӱн кусӱдӱны би, весиг позис кайлыны машина вылӱ. А медбӱрын вклучитлӱсны сирена да мигалка.

Водзӱ томуловӱс виччысисны Кулӱмдӱнса нянь пӱжалан заводын. Танӱ чӱсмӱдӱсны ныв-зонмӱс пӱсь пӱжасӱн, петкӱдӱсны выль пӱлӱс электрической пач, кондитералысь удж. Шуисны, мый татчӱ колӱны выль йӱз. Уджыс сюрӱ и пӱжасысьлы, и механиклы, и операторлы, и шоперлы. Мед пӱ сӱмын вӱлӱ кӱсӱйӱм.

Йӱзӱс уджӱн моґмӱдан Кулӱмдӱн районса шӱрин эскӱ, мый экскурсияыс ӱна отсалас том йӱзлы удж бӱрйӱгӱн.

Любовь КОЧАНОВА



КОЛАНА УДЖ

Интаса 10-öd номера школаысь «ШАГ» общественнöй котыр йылысь пасйылим нин «Йөлөгаса» лист бокъясын. Казтыштам, мый быд класс сэни - торъя «кар», а велөдчысьяссö шуоны «горожанаөн». Школаас котырыс нуөдö зев уна удж-акция. Со кыдзи найö водзмöстчöны.

Небög - миян ёрт

Со неважөн котыртлисны «Подари книге вторую жизнь» акция. Челядь дзоньталисны важмöм небөггяс, вöчисны збыльысь колана удж. Водзмöстчысь томуров да «горожане» чукörtчылисны библиотекаö, клеитисны косясьсöм небөггысь лист бокъяс, кышсö. А сэсся ныв-зонлы висьталисны, кутшöм ин морт олöмын босьтö небög да кыдзи эськö олисны небөггтöг. Акцияö пырöдчисны 5-6, 9-10 классьясысь Челядь. Ставнас найö дзоньталисны 150 небög.

Акцияслөн мöд юкөнөн лои библиотекалысь фонд озырмөдöм. «ШАГ» котырö пырысь томуров вайисны гортсыныс небөггяс да и мукöдöс тшöтш ышöдисны.

**Быдөн колис асьыс ки пыдöссö**

Ёна сюри гажöдчыны медводдза классын велөдчысьяслы. Налы водзмöстчысь томуров нуөдисны «Веселья и добра» акция. Гажыс заводитчис «Аттракцион» кыпид разминкасянь. Шылад улö челядь вуджöдисны öта-мöдыслы чача, а кодлөн кийн коли чачаыс шылад сувтөгөн - ковмис петны кытш шөрö да вöчны командаыслысь тшöктöм. Сэсся ныв-зон йökтисны параөн, но ас костаныс кутисны пöльгöм шар: медводз кынöмөн, плешкөн, сэсся мышкуён. Водзö ковмис петкöдлыны артисталан сямлун: бöрйыны радейтана пемöсöс да петкöдлыны сийöс, сылысь вöрассö, а мукöдыс тöдмалисны.

Медым ичöt велөдчысьяс тшöтш пырöдчисны «ШАГ»-лөн став бур уджö, налы дасьтисны «Шаньлун стен». Медводдза классаяс матыстисны стен дорас ки пыдöссö - татшöм ногөн найö тшöтш лоины йöзлы буртор вöчысьясөн.



Водзö 10-11 лист бокъясын.





2014 вося гожом-арын öтувезйын мунис Коми Республикалön «турунвиж» символ бöрийöм. И со, Комиын унджык олысьыс асьыныс гөлöснысö сетисны марьямоль быдмөг понда. Буретш мича дзоридз - марьямоль - мукöд турунвиж символъяскöд кутас быдмыны Севастополь карын «Аллея России» паркын.


«Марьямоль да

марьямоль...»



Тайö ыджыд проектлön могыс вöли петкöдлыны Россиялысь öтувъялун, велöдны видзны вөрва да паськöдны сідз шусяна экологической культура. Тайö алыспöлöс аллеяыс лоас Севастополь карса войтырлы козинön да кутас петкöдлыны Крымлön Россиякöд öтувтчöмсö.

Регионлön символön вермис лоны быдсикас быдмөг: пу, куст, турун либö дзоридз, коді йитчöма сылön культуракöд, традициякöд да историякöд. Комиын позьö вöли бöрийыны вит быдмөгыс öтигöс: пятилистник, пельсы, ниа пу, марьямоль да ныв пу. Кык бөръя костас и лои медыджыд ордысьсöмыс, но мича дзоридз чукöртис 4 прöцент вылö унджык гөлöс.



Марьямоль дзоридзлы асьыс гөлöссö сетис и фольклор туялысь Öльöш Рассухаев, со мый сийö гижö öтувезса аслас блогын:
«Тайö абу сöмын мича дзоридз, коді вермö быдмыны и вөр дорын, и öшинь улын, тайö - шемöсмöдана быдмөг. Кöртжерöс районьыс Висер ювывса Тувö йылысь преданиеясын висьтавьсö, мый марьямольысь полöны крысаяс. Сідзжö марьямоль - радейтчöмлön символ, ког йылысь гижлис Геннадий Юшков аслас кывбурьясын. Тайö алыспöлöс дзоридзлön руыс ёна лöсялö коми йöзлы.»

Марьямоль

Кывъясыс Г.Юшковлön
Шыладыс В.Мастеницалön

Визув юö петö ёль, петö ёль, петö ёль,
 Быдмö сэтön марьямоль, марьямоль, марьямоль.
 Сикöтш вылö куим-нёл, куим-нёл, куим-нёл
 Колö дзоридз марьямоль, марьямоль, марьямоль.
 Муса зонмöй, энлы коль, энлы коль, энлы коль,
 Кыкön корсям марьямоль, марьямоль, марьямоль.
 Локта гортö гиль да голь, гиль да голь, гиль да голь,
 Вая сьöрысь марьямоль, марьямоль, марьямоль.
 Сöмын унасö ог доль, ог доль, ог доль,
 Кодкöд воті марьямоль, марьямоль, марьямоль.



Дасьтис Мария ИГУШЕВА



Сиктысь – каро ЮОР, ВАЯМ

Биён дурны оз позы!

Неважён Корткерос районусь Висер сиктса школао волісны юркаса «Сюрприз» интерактивной театрысь артистыяс да биысь видзчысян да войтырös доръян республикаса службаын зільысьяс.

Ичот класса велодчысьяс видзодісны «Спасите, помогите, или Шалости Карлсона» петкөдчөм, көні Малыш ордö локтіс Карлсон ёртыс вильшасьыштны, и дуригмоз налөн артмис пожар. Видзодысьяс артистыяскөд тшөтш «кусодісны» öзйөм, төдмавлісны кусодчысьлысь нөдкывъяс да вочавидзисны юалөмъяс вылө, новлөддісны ведраясөн ва, öти кывйөн, быд ногыс «мездысисны» биысь.

Челядь сёлөмсяныяс да окотапырысь пырөдчисны ордйысьөмъясö да эз и төдлыны, кушөм тэрыба коли часысь дырджык мунысь петкөдчөм. Лача кутам, мый татшөмсяма петкөдчөмъяс бöрын посниулов нöшта на бурджыка гөгөрвоасны, мый биён дурны оз позы!

Оксана ПИНЯГИНА



ВЫЛЬ ПЕТАС

Октябрь 25 лунö Эжваын Н.М.Дьяконов нима литературно-театральной музейын йөзөдісны «Эжвинские искорки» сборниклысь сизимөд петас.

Эжваса бикиньяс

Тайö арся лунö залын чукөртчылісны унаён: том гижысьяс да серпасасысьяс, налөн ёртгяс, бать-мам, велодысьяс. Сборник чукөртис эжваса том войтырлысь быдсикас гижөд: кывбуръяс (эм весиг и öти акростих), мойдъяс да висьгъяс, а небөг кыш мичмөдісны челядьлөн серпасъяс. Программа артмис ыджыдөн. Юргисны сыланкывъяс да кывбуръяс. Чолөмалана кывъяс висьталіс Сыктывкарса поэт А. Карпов. Гижысь донъяліс быд кагалысь удж, шуис уна шоныд кыв. Гөсьгъясөс шензёдіс «Солнышко» группалөн петкөдчөм: челядь лыддисны кывбуръяс, а Даша Селиванова төдмөдіс видзөдысьясöс «У камелька» котырö пырысь М.В.Салийлысь, Л.Д.Чебыкиналысь да М.В.Прилуцкаялысь гижөдъясөн. Но эз сөмын бумага вылө вуджны челядьлөн кывбуръяс - Юрий Калинин дасьтөма на серти сыланкывъяс, кодъяс гажөдісны гөсьгъясөс.

Татшөм творческой удж сетö челядьлы позянлуи ыджөдны асьыныс кывкуд, паськөдны литература йылысь төдөмлунъяс, велөдöстөча да мичаа висьтавыны мөвпгъяс.

Людмила ХАНАЕВА





Вөр-ватö колö видзны

«Экология мойд» - татшöм ним улын нуöдисны вөр-вакöд йитчöм гаж. Могыс - экология кузя тöдöмлун озырмöдöм, вөр-ва да пемöсьяс йылысь унджыктор тöдмалöм, экология мытшöдъяс висьталöм, а медшöрыс - ышöдны томуловöс радейтны да видзны вөр-ва.

Став гажыс артмис ичöтик сценкаясысь да ворсöмьясысь. Быдöн петкöдлiс кутшöмкö роль, бöрийс та вылö лöсялана паськöм. Челядьлөн артисталан сямлуныс отсалiс аддзыны, кызди олöны вөр-ваын пемöсьяс. Эштiс гажыс ыджыд флешмобөн.



«Гулюпи» тöдö туйвывса индöдъяс

Лои нин традицияөн «ШАГ» котырлы нуöдны детсадьясын туйвывса индöдъяс серти гаж. Водзмöстчысь зонка Михаил Ярин пасьтасис Незнайкаö да ветлiс гөститны «Гулюпи» 28-öd номера садикса дзюлюкъяс дорö.

Незнайка тöдмалiс, тöдöны-ö челядь туйвывса правилöяс, гажöдiс найöс да йöктöдiс. Вöлöмкö, челядь унджык правилö тöдöны Незнайка дорысь. Кор сийö некымынысь öшибитчис, Незнайкалы отсöг вылö локтiс туйвывса правилöяслөн Царица - Янина Сталерайтите, «ШАГ» котырса лидер. Сийö висьталiс Незнайкалы да челядьлы индöдъяс йылысь, кор артмисны медводдза машинаяс да «пешеходнöй переход», кутшöм пасьяс овлöны, транспорт сикасыяс. Царица нуöдiс конкурсыяс да ыджыд эстафета.

Гаж помын Незнайка кöсийсис велöдны став туйвывса правилöсö.





Сиёма Вермёмлы

Айму вöсна Ыджыд Победалы 70-өд вося тшу-пöда паскöд йитöдын «ШАГ» нуöдiс «Зарница». Ворсöмас пырöдчисны «Солнечный город» котырса «горожанаяс», кодъяс арся каникулъяс дырйи вöлыны дзоньвидзалун бурмöдан лунся лагерын. Ворсöмыс мунiс эстафетаöн, маршрутнöй карта серти. Колiс венны уна мытшöд. Шуам, ас командаса мортлы сетны медводдза отсöг, ранитчöм мортöс нуны коланаинö. Медбöрын посни серпасъ-сысь артмис Победалы сиём ыджыд плакат.



Челядь кийн дöрапас

Быд во «Шаг» общественнöй öтмунöмысь лидеръяс нуöдöны асланыс ичöтджык ёртъяслы «Челядь кийн дöрапас» акция. Тайö велöдö посни войтырöс пыдди пуктыны дöрапас да канмуса мукöд символ.

2014-2015 велöдчан воö акцияö пырöдчисны арся каникул дырйи лагерö ветлысь ныв-зон. Мероприятие артмис некымын тшупöдысь. Медводз, челядь видзöдiсны Россия история, символ да традицияс йылысь неыджыд видеоролик. Та бöрын ворсiсны «сьöд ящикысь» - вель зiля тöдмалiсны, мый сэн дзесбöма матрешка, а öти нывка весиг сьылiс сы йылысь сьыланкыв, мыйöн ёна и гажöдiс ёртъясöс.



Мöд тшупöдöн лои Россия пасьтала олысь войтырсикас, да, дерт жö, Коми Республикалысь канму символъяс йылысь презентация. Вель тöдöмлун посниулов вуджöдiсны бумага вылö, быдöн серпасалис сьöлöм вылас медъёна воём дöрапас. Кывкорталiс «Челядь кийн дöрапас» акция линейка.



*Лист бокъяс гасьтiс Оксана ВЕЛЕНТ,
Интаса карысь 10 номера школын
медшöр вожатöй.*





Ноябрь 4 лунö Коми Республикаса национальной галереяын медводдзаысь нуöдiсны «Искусство вой». 5 час рытсъянь 12 час войöдз галереяын мунiс ыджыд акция, кодöс дасьтысьяс юкисны кык пельö: челядьлы да верстьöлы.

Искусство вой



Татшом акция мунис Россия пасьтала, мукодлаын эз нин медводзаысь. Искусство войлөн медыджыд могыс - паськөдны творчество йылысь төдөмлун кыз позьо унджык мортысь да нуодны быдсикас мастер-класс.


Сыктываркаса искусство войын петкөдчисны 15 котыр: серпасасысьяс, фотографьяс, музыкантыяс, йоктысьяс, юркарса велөдчанінтыясысь студентьяс. Бура уна гөсьт чукормыліс галереяё, жыртыяс вөліны тырөсь, унаон локтісны челядькөд. Том войтырлөн вөлі позялун видлыны ассынысыям мастер-классьясын: өти жыр-йын велөдісны вөчны закладка да открытка, серпасасыны перөөн, а мөдлаын нин челядь ворсөдчисны шарьясөн. Посниуловлы ёна воис сьөлөм вылас музейса уджалысьяс-лөн фокусьясөн петкөдчөм. Нөшта уджалісны боди-арт серпасасысьяс, на отсөгөн посни челядь радпырысь лисны көртысөн, ручысөн да мукөд волшебной героён.

И верстыөджык йөз вермисны адзыны тайо рыгө мыйкө сьөлөм сертыис. Галерея фойеын петкөдлісны художественной фотография выставка. Гөгөр петкөдлісны быдсикас мастер-класс. Окотитысьясөс велөдісны йоктыны аргентинской танго, серпасасыны лыаон, кыны шемөсмөдана көсяяс. Сідзжө гөсьтысөс гажөдісны биа шоу да шылада петкөдчөмтыяс. Ёна кажитчис видзөдысьяслы классической музыкаа концерт, кодөс дасьтис В.Чисталёв нима культура колледж. Галереялөн неыджыд залын юргисны Рахманинов, Моцарт, Глинка, Брамс да мукөд композиторлөн шемөсмөдана шыладтыяс.

Ставыс коли кыпыда. Со өти гөстя юкис миянкөд аслас мөвпгысөн:

- Медводзаысь татшөм мероприятие вылө локті кагакөд. Дерт, сылы ставыс кажитчис, быдяматорнас челядьөс позьо вөлі ворсөдны. Позьо шуны, мый кык көчөс талун кыйи: и нылөй ворсис пөттөдз, и ачым сьөлөмсянь шойччи.

**Мария
ИГУШЕВА**



«Визга оланныг, «Йөлөгә» газетлөн редакцияын уджалысьяс! Сөмын неважөн на гжи кывбур. Видлөй, донъялөй, кажитчас кө - йөзөдөй.

*Став бурсө сиймөн,
Инта районьсы Петрунь сиктса зон Вагим Семьяшкин».*

Редакциясянь: Ми окотапырысь йөзөдам Вадимлысь чужан коми кыв йылысь кывбур. Зэв бур, мый том мортлөн висьо стөлөмыс коми кыв да чужан му понда. Унджыкөн кө эськө татшөмыс!

Юргы коми кыв

Чинө, чинө коми мортыд
Миян муын луньсы-лун.
Оз нин кывлы сиктад «нортыд»,
Мед жө, пöрысьыд оз мун.

Рочмам, коми кывтө колям.
Кытчө? Некоді оз шу.
Сөмын век ми мыйкө долям:
«Колө видзны Коми му!»

Паськыд муыд озыр миян,
Изшом, мусир, биару!»
Кывбур көсий гижны тиян,
Мед оз бырлы коми ру.

Видзөй коми кывтө, ёртыяс,
Мед оз куслы уна нэм!
Юргас мед! Ми - коми мортыяс,
Юрын ставлөн эм юр вем.

**Вагим СЕМЯШКИН,
Инта районса Петрунь сикт.**



Снимокыс өтуввезйысь.

“Йөлөгакөд” кө тэ олан – дзоньвидзаён пыр и лоан!”

Лунтырөн ёна мудзан? Лунысь-лун велөдчөмысь да удж вылын зільөмысь бырö эбөсыд? Вөлөмкө, медым быд лун вөлі кыпыд руа – колö бура да урчитан кад мында узыны. Со мый вөзйöны миянлы специалистъяс.



Чөскыд ун

Эн сөй вой кежлö, сöмын водтöдз кык час водз позьö чöсмасьны фруктыён либö град выв пуктасён, сідз жö лөсялас шомйöв.

Узигөн ас вывсыд пөрччы дзескыд паськөм.

Узь мышку либö бок вылад, тайö медбур пытшкөсса органъяслы.

Вод öти кадö, дас-дас öти часын, и сэк тэныд кутас тырмыны 6-7 час чөж войся узьöм, медым асылын тэнад вөлі эбс.


Узь сідз, медым юрыд видзöдiс войвывлань либö асыввывлань.

Он радейт асывнас чеччыны вольпасысь? А колö. Ачыд садьмин кө, эн видзöд, мый вывти водз, чеччы да вöч зарядка. Медводдза вежонö луннас лоан унзиль, но регыдя кадö велалан да гөгөрвоан, мыйта тэнад содiс прöст кадыд.

Ассыс пай бур узьöмö содтö сöстөм сынöд: водтöдз востлы öшиньтö, но видзöд, мед эз артмы төв гурйив.

Эн вунöд шойччыштны луннас.

Шуöны: «Кокни лов - медся бур снот-ворной». Водтöдз дугды мөвпавны лунся мытшöдъяс йылысь, эн сьöктöд нинөм абунас юртö, вод узыны кокни сьөлөмөн.



ТӨЖД-МОГ

Ноябрь 13-20 лунъясö «Челядьлы дөверие телефон» да «Социальной тэрыб отсög» служба-яс нуөдöны «пöсь луния», кодöс урчитöма куритчöмысь дугöдчан да Челядьлы правөвöй отсög сетан лунъяслы.

Звöнит, ЭН ПОВ!

Вежон чöж службаын зильысь психологыяс сетасны колана вöзйöмгяс, кыдзи эновтчыны табакысь. Тэ кö видзан ассыд дзоньвидзалунтö да кöсьян дугöдчыны шпукчöмысь, а он тöд, мыйсянь заводитны, - звöнит, психологыяс бытысь отсаласны.

Таысь отдор, тайö жö лунъясö позьö шыöдчыны юалöмгясöн, торкалöма кö тэнсыд правотö, тэнö кö кодкö увтыртö либö весиг нöйтö-омöльтö. Колökö, тэныд некодды висытасыны? Эн пов - звöнит, тэнö бура кывзасны да зиясны отсавны.

«Челядьлы дөверие телефон» уджалö сутки чöж.

«Социальной тэрыб отсög» служба: **8(8212) 21-11-66** (стационарнöй телефонсянь звöнокыс дон босыттöг).

«Челядьлы дөверие телефон» служба: **8-800-2000-122** (стационарнöй да сотöвöй телефонгясянь звöнокыс дон босыттöг).

Психологысь онлайн консультация сідзжö позьö аддзыны www.komifotum.ru сайтгывса «Приёмная виртуального психолога» юкöнысь.



«Коми йöзöдчан керка»
Коми Республикаса
автономнöй учреждение,
«Йöлöга» газет
редакция.

Адрес:

167982, Сыктывкар,
К.Маркс улича,
229-өд керка,
401-402 кабинетгяс.
Тел. 24-12-22, 24-36-49.
E-mail: Yologa@mail.ru

Веськöдлысь
В.В.ПОПОВ
Гл.редактор
Г.В.МАКАРОВА



Газет панысь:
Печать да юр сетан Коми
Республикаса агентство.
Регистрируйтöма
2007 вося ноябрь 28 лунö
йöзлы юр сетöм да
культура са озырлун видзöм
кузя оланпасгяс
збыльмөдöм бöрся
видзöдысь федеральнöй
службалöн Беломорскöй
управлениеын.
Регистрирутан пас:
ПИ №ФС 3-0686.
Социальной тöдчанлуна
гижöдгяссö йöзöдöма «Коми
йöзöдчан керка» автономнöй
учреждениелы печать да юр
сетан КР-са агентствоон
вичмөдöм сьöм вылö.



Редакцияын
уджалысьяс:
том йöзлөн мытшöдгяс
юкөнөн веськöдлысь –
Мария Игушева;

письмö юкөнөн
веськöдлысь –
Екатерина Микушева.



Медводдза лист бокас
снимокыс
Василий
Андреевлөн.



Авторгяслөн мөвпгяс оз
пыр лöсявны редакциялөн
видзöдласкөд.



Тираж – 488
Гижöдчан индекс – 52099.
«Йöлöга» газет петö
1991-өд восянь
вежоннас öтчид, комиён.
Доныс сёрнитчöмөн.



Печатьö кырымалан кад:
график серти – ноябрь
тöлысьлөн 12-өд лунö
16 часын; кырымалöма
печатьö 16 часын.
Газет печатайтöма
«Коми республиканскöй
типография» ООО-ын дась
оригинал-макетгясысь.
167610, Сыктывкар,
В.Савин улича, 81
Заказ №



ЧОЛӨМАЛӨМ

*Став сьолөмсянь чолөмалам ми-
яныльс уджьерт, «Йөлөга» газе-
тысь журналист Надежда Пуне-
говаос оломас медся төдчана, мед-
ся рад, медся шуда лунъясысь
өтиөн - нылук чужтөмөн!*

*Кутшөм ыджыг козинөн лои
ичөтик да мусаник Александралөн
свет вылас чужөм Надеждалөн
кумнан зонмыслы - Иван верө-
сылы, Сергей да Дима пияныслы!
Миян Надюк лои уна челядя
мамөн! Молодеч!!!*

*Сиам кагулы крепыг дзоньви-
дзалун, чөскыг ун, мам-батьлы
ыджыг терпенньö, быдтасөн лу-
нысь-лун нимкодясьöm да уна-уна
шуда лун. Мед Александра быг-
мас шань да төлка нылукөн.*

*«Коми йөздöчан керка» учреждениеса
уджалысьяс*



Дона лыдгысьсысь!

Тэ өнөдз на эн гижөдчы «Йөлөга» вылө? Сөмын ёртыдысь босьтлан либө библиотекаын өдйө видзөдалан лист бокъяссö? Абу өмөй окота, медым гортөдзыд воис газетыд?

Позьö нин (да и колö!) гижөдчыны «Йөлөга» газет вылө локтан 2015 во джын кежлö.

Пошта пыр гижөдчан доныс колис важ кодыс: **296 шайт 88 ур.**

Индекс: **52099.**